



# Službeni glasnik

općine Tuzla

GODINA XLV

11. JULI 2008. GODINE

BROJ 7

## I AKTI OPĆINSKOG VIJEĆA TUZLA

**1**

Na osnovu člana 94. Poslovnika Općinskog vijeća Tuzla ("Službeni glasnik općine Tuzla", broj 7/05.), Općinsko vijeće Tuzla, na sjednici od 9. jula 2008. godine, donosi

### DEKLARACIJU

**o proglašavanju nevažećim odlikovanja i priznanja koje je dodijelio najtraženiji optuženik za ratne zločine Radovan Karadžić**

**I**

Općinsko vijeće Tuzla traži od Parlamentarne skupštine Bosne i Hercegovine da donese odgovarajući akt kojim će proglasiti nevažećim odlikovanja i priznanja koja je u ratnom periodu, od 1993. do 1995. godine, dodijelio najtraženiji optuženik za ratne zločine Radovan Karadžić. Time će se napokon početi ispunjavati obaveze Republike Bosne i Hercegovine, Federacije Bosne i Hercegovine i Republike Srpske (kao strana) utvrđene u Aneksu 7. Dejtonskog mirovnog sporazuma (Sporazum o izbjeglicama i raseljenim licima), naročito u pogledu obaveza da osiguraju puno postizanje ljudskih prava i osnovnih sloboda svih osoba u svojoj jurisdikciji, a u cilju izgradnje povjerenja tako što će ukinuti unutrašnje zakonodavstvo i administrativne prakse s diskriminacijskom namjerom ili efektom.

**II**

Činjenica da je i danas na snazi Zakon o odlikovanjima i priznanjima Republike Srpske, kojeg je svojim potpisom i ukazom, od 27. aprila 1993. godine, proglasio Radovan Karadžić, najtraženiji optuženik Međunarodnog tribunala za ratne zločine počinjene u BiH, predstavlja poniženje i rušenje elementarnog ljudskog dostojanstva žrtava zločina i primjer neodgovornosti vlasti u BiH, odnosno u Republici Srpskoj (RS) da potpuno i dosljedno izvrši obaveze preuzete Dejtonskim mirovnim sporazumom. Uprkos toj obavezi iz Dejtonskog sporazuma i danas na web stranici predsjednika RS se ta odlikovanja tretiraju kao „najviši državni orden“ i time se negira Ustavom BiH utvrđeni kontinuitet Republike Bosne i Hercegovine, a s atributima države protuustavno favorizuje RS kao jedan od entiteta koji je samo dio unutrašnje strukture BiH. Ovo je tipičan primjer zakonodavstva i administrativne prakse koja ima diskriminacijski efekt na povratnike.

**III**

Među dobitnicima odlikovanja, koja je 9. januara 1994. godine dodijelio Radovan Karadžić, optuženi ratni zločinac u bjekstvu, nalaze se i osobe koje su već osuđene za ratne zločine počinjene nad Bošnjacima i Hrvatima u BiH, kao i osobe koje su optužene za počinjene ratne zločine (suđenja su u toku ili su optuženici u bjekstvu). Ova činjenica obeshrabruje Bošnjake i Hrvate da se u većem broju vraćaju na svoje prijeratne posjede, a za one koji su se vratili izvor je stalne nesigurnosti i frustracija.

**IV**

Građani općine Tuzla su posebno senzibilni i zabrinuti za stanje prava i sigurnosti prognanika i izbjeglica koji su se vratili (ili to namjeravaju) na područje Podrinja (naročito Bijeljine, Zvornika, Vlasenice, Bratunca i Srebrenice). Zbog toga očekujemo od Parlamentarne skupštine Bosne i Hercegovine da, u okviru svoje ustavne nadležnosti i odgovornosti za dosljedno provođenje Dejtonskog mirovnog sporazuma, donese odgovarajući akt kojim će proglasiti nevažećim odlikovanja koja je u ratnom periodu, od 1993. do 1995. godine, dodijelio najtraženiji optuženik za ratne zločine Radovan Karadžić.

**V**

Deklaracija će se objaviti u "Službenom glasniku općine Tuzla".

OPĆINA TUZLA  
Općinsko vijeće  
Broj: 01-05-5067/08  
9. juli 2008. godine

PREDSJEDAVALAČI  
Nada Mladina

**2**

Na osnovu člana 5. Zakona o prometu nepokretnosti ("Službeni list SRBiH", broj 38/78., 4/89., 29/90. i 22/91.) i "Službeni list RBiH", broj 21/92., 3/93. i 17/93.) i člana 26. Statuta općine Tuzla ("Službeni glasnik općine Tuzla", broj 2/99. i 9/00.), Općinsko vijeće Tuzla, na sjednici od 9. jula 2008. godine, donosi

**ODLUKU****o davanju na korištenje Tuzlanskom kantonu -  
Ministarstvu pravde, dijela posjeda u objektu Đački  
dom „Enver Šiljak“ u Tuzli****I**

Općina Tuzla daje na korištenje Tuzlanskom kantonu - Ministarstvu pravde, dio svog posjeda i to prostor koji je do preseljenja u novi prostor u Slavinovićima koristila JU Centar za socijalni rad Tuzla, a koji se nalazi na trećoj etaži objekta Đački dom "Enver Šiljak" u Tuzli, stojećeg na zemljištu označenom kao k.č.broj 148/1 "Mosnik", kuća površine 600 m<sup>2</sup>, upisana u PL 245 KO Tuzla IV, posjed OPĆINA TUZLA, sa 1/1 (stari premjer: dijelovi k.č.broj 14/65, 14/66, 14/4, 14/26, 14/70, 1892/3 i 1911/1 KO Tuzla).

Prostor se ustupa do utvrđivanja prava vlasništva na objektu i pripadajućem zemljištu.

**II**

Prostor iz tačke I ove Odluke se daje na korištenje isključivo za namjenu smještaja Disciplinskog centra za maloljetnike.

**III**

Na osnovu ove Odluke će se između općine Tuzla i Vlade TK zaključiti ugovor o uslovima i načinu korištenja prostora iz tačke I ove Odluke.

Ovlašćuje se Općinski načelnik da zaključi ugovor o uslovima i načinu korištenja objekta.

**IV**

Odluka stupa na snagu danom objavljivanja u "Službenom glasniku općine Tuzla".

OPĆINA TUZLA  
Općinsko vijeće  
Broj: 01/07-31-5063/08  
9. juli 2008. godine

PREDSJEDAVALA  
Nada Mladina

**3**

Na osnovu člana 8. stav 3. tačka 3. Zakona o principima lokalne samouprave u Federaciji Bosne i Hercegovine ("Sl. novine FBiH", broj 49/06.) i člana 26. Statuta općine Tuzla ("Sl. glasnik općine Tuzla", broj 2/99., 9/00. i 2/08.), Općinsko vijeće Tuzla, na sjednici od 9. jula 2008. godine, donosi

**ODLUKU****o usvajanju Općinskog akcionog plana (MAP) od 2008.  
do 2010. godine****I**

Prihvata se trogodišnji Općinski akcioni plan kojeg je pripremila Radna grupa za kontinuirano unapređenje općinske uprave u saradnji s Projektom upravne odgovornosti (GAP).

**II**

Sastavni dio ove Odluke čini Općinski akcioni plan (MAP) s listom projekata predloženih od strane Radne grupe i prihvaćenim na javnoj raspravi.

**III**

Odluka stupa na snagu danom donošenja i biće objavljena u "Službenom glasniku općine Tuzla".

OPĆINA TUZLA  
Općinsko vijeće  
Broj: 01-05-5064/08  
9. juli 2008. godine

PREDSJEDAVALA  
Nada Mladina

**4**

Na osnovu člana 1. 10 stav 2. Izbornog zakona Bosne i Hercegovine ("Službeni glasnik BiH", broj 23/01., 7/02., 9/02., 20/02., 25/02., 4/04., 20/04., 25/05., 52/05., 65/05., 77/05, 11/06., 24/06. i 33/08.), tačke 1. stav 2. Smjernica za utvrđivanje prestanka mandata izabranih članova tijela vlasti ("Službeni glasnik BiH", broj 11/03.) i člana 26. Statuta općine Tuzla ("Službeni glasnik općine Tuzla", broj 2/99. i 9/00.), Općinsko vijeće Tuzla, na sjednici od 9. jula 2008. godine, donosi

**ODLUKU****o prestanku mandata vijećnika****Član 1.**

Prestaje, zbog smrti, mandat Ivici Segatu, vijećniku Socijaldemokratske partije-socijaldemokrati BiH, u Općinskom vijeću Tuzla.

**Član 2.**

Ivici Segatu, iz razloga utvrđenih prethodnim članom ove Odluke, prestaje mandat vijećnika u Općinskom vijeću Tuzla.

**Član 3.**

Ova Odluku će se dostaviti Izornoj komisiji Bosne i Hercegovine.

**Član 4.**

Odluka će se objaviti u "Službenom glasniku općine Tuzla".



**Član 3.**

Postupak javnog oglasa će provesti Komisija za izbor i imenovanja Općinskog vijeća Tuzla (u daljem tekstu: Komisija za izbor i imenovanja).

**Član 4.**

Komisija za izbor i imenovanja će, najkasnije u roku od 7 dana od dana zaključenja javnog oglasa utvrditi listu kandidata za člana Općinske izborne komisije i istu dostaviti Općinskom vijeću Tuzla.

**Član 5.**

Sastavni dio ove Odluke je tekst javnog oglasa, koji će se objaviti u dnevnom listu iz člana 2. ove Odluke.

**Član 6.**

Odluka će se objaviti u »Službenom glasniku općine Tuzla«.

OPĆINA TUZLA  
Općinsko vijeće  
Broj: 01-05-5061/08  
9. juli 2008. godine

PREDSJEDAVAJUĆI  
Nada Mladina

## II AKTI OPĆINSKOG NAČELNIKA TUZLA

### 1

Na osnovu člana 34. Zakona o budžetima u Federaciji Bosne i Hercegovine (»Sl. novine F BiH«, broj 19/06.), člana 39. i 131. Statuta općine Tuzla, (»Sl. glasnik općine Tuzla«, broj 2/99., 9/00 i 2/08.) i člana 16. Odluke o izvršavanju Budžeta općine Tuzla za 2008. godinu (»Sl. glasnik općine Tuzla«, broj 11/07.), a u vezi s Prijedlogom Službe za razvoj i poduzetništvo, broj: 17-326-/08 od 03. 07. 2008. godine i Zahtjevom „Tuzla stan“ d.o.o. Tuzla, broj 01-379/08 od 01. 07. 2008. godine, Općinski načelnik Tuzla, donosi

#### ODLUKU

**o izdvajanju sredstava iz Tekuće rezerve Budžeta općine Tuzla za 2008. godinu, „Tuzla stan“ d.o.o. Tuzla**

#### I

Odobrava se izdvajanje novčanih sredstava iz Budžeta općine Tuzla za 2008. godinu, pozicija „Tekuća rezerva Budžeta“, u iznosu od 4.000,00 KM.

#### II

Sredstva iz tačke I ove Odluke se izdvajaju „Tuzla stan“ d.o.o. Tuzla, na ime pokretanja stečajnog postupka u ovom

preduzeću, a po Rješenju Općinskog suda u Tuzli, broj: 032-0-St-08-000012 od 25. 06. 2008. godine.

#### III

Za izvršenje ove Odluke se zadužuje Služba za budžet i finansije, koja će navedena sredstva uplatiti na račun „Tuzla stan“ d.o.o. Tuzla, broj: 1990500106711347, otvoren kod ABS banke.

#### IV

Odluka stupa na snagu danom donošenja i bit će objavljena u »Službenom glasniku općine Tuzla«.

OPĆINA TUZLA  
Općinski načelnik  
Broj: 02-14-4960/08  
4. juli 2008. godine

OPĆINSKI NAČELNIK  
  
Jasmin Imamović



# SADRŽAJ

## “Službenog glasnika općine Tuzla”, broj 7/2008.

### I AKTI OPĆINSKOG VIJEĆA TUZLA

1. Deklaracija o proglašavanju nevažećim odlikovanja i priznanja koje je dodijelio najtraženiji optuženik za ratne zločine Radovan Karadžić 437
2. Odluka o davanju na korištenje Tuzlanskom kantonu - Ministarstvu pravde, dijela posjeda u objektu Đački dom „Enver Šiljak“ u Tuzli 437
3. Odluka o usvajanju Općinskog akcionog plana (MAP) od 2008. do 2010. godine 438
4. Odluka o prestanku mandata vijećnika 438
5. Odluka o razrješenju člana Općinske izborne komisije Tuzla 439
6. Odluka o imenovanju tri člana Općinske izborne komisije 439
7. Odluka o raspisivanju javnog oglasa za jednog člana Općinske izborne komisije Tuzla 439

### II AKTI OPĆINSKOG NAČELNIKA TUZLA

1. Odluka o izdvajanju sredstava iz Tekuće rezerve Budžeta općine Tuzla za 2008. godinu, „Tuzla stan“ d.o.o. Tuzla 441

